



## SLUŽBENE OBJAVE

### UDRUŽENJA - FONDACIJE

Ministarstvo pravde Bosne i Hercegovine, rješavajući zahtjev Udruženja za razvoj turizma u Bosni i Hercegovini "Turistički leptir", sa sjedištem u Tuzli, ulica Rudarska broj 73, u predmetu, upis u Registar udruženja, na osnovu člana 8. i 33. Zakona o udruženjima i fondacijama Bosne i Hercegovine ("Službeni glasnik BiH", br. 32/01, 42/03 i 63/08) i člana 4. stav (1) Pravilnika o načinu vođenja Registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija ("Službeni glasnik BiH", broj 44/10), donosi

### RJEŠENJE

- U Registar udruženja kod Ministarstva pravde Bosne i Hercegovine upisuje se Udruženje pod nazivom:  
Udruženje za razvoj turizma u Bosni i Hercegovini "Turistički leptir"  
Удружење за развој туризма у Босни и Херцеговини "Туристички лептир"  
Udruga za razvitak turizma u Bosni i Hercegovini "Turistički leptir"  
Skraceni naziv Udruženja je:  
Udruženje "Turistički leptir", Удружење "Туристички лептир", Udruga "Turistički leptir".  
Sjedište Udruženja je: Tuzla, ulica Rudarska broj 73.
- Upis je izvršen pod registarskim brojem 1121, knjiga I Registra, sa danom 06.06.2011. godine.
- Udruženje ima znak.  
Znak Udruženja se sastoji od riječi: Turistički leptir, sa čije lijeve strane se nalazi crtež leptira koji nosi kofer. Tekst je ispisan slovima narandžaste boje, koji su oivičeni zelenom bojom, font: Viner Hand ITC. Krila leptira su narandžaste boje, a kofer, kojeg leptir nosi, zelene boje.
- Danom upisa u Registar udruženja kod Ministarstva pravde Bosne i Hercegovine, Udruženje stiče svojstvo pravnog lica i ima slobodu djelovanja na cijelom području Bosne i Hercegovine isključivo pod registrovanim nazivom.

- Ciljevi i djelatnosti Udruženja su: pomoć u promociji bh. turističkog potencijala, usvajanje svjetskih standarda i privlačenje stranih investicija u oblasti turizma, ekologije i zdravog življenja; pomoć u promociji, poticanje, razvoj i istraživanje u oblasti turizma, održivog razvoja, ekologije i zdravog življenja; podizanje profesionalnih standarda i pomoć u edukaciji u oblasti turizma, održivog razvoja, ekologije i zdravog življenja; unapređenje kulture dijaloga i razmjene mišljenja kroz organizaciju okruglih stolova, tribina, simpozija, konferencija i drugih skupova; omogućavanje mladima da razviju ekološku kulturu i iskoriste puni potencijal u okruženju koje im pruža mogućnosti za rad i podržava ih; pomoć u promociji i edukacija u oblasti održivog razvoja i održivog turizma; pomoć u promociji savremenih ekoloških standarda i zdravih tehnologija; razvijanje aktivnosti koje su izazov i podsticaj za mlade, a pomažu im da shvate odgovornost i uspjeh; razvijanje zdravih stilova života (borba protiv pušenja, narkomanije, alkoholizma, spolno prenosivih bolesti); razmjena iskustava sa udruženjima građana koja se bave zaštitom okoline, planinarenjem, alpinizmom, lovom i ribolovom, sportom, kao i zaštitom prirodnog i kulturnog naslijeđa BiH; podsticanje i pomoć u promociji privrednih i društvenih aktivnosti u cilju razvoja i promocije turizma u Bosni i Hercegovini; projekti razvoja i jačanja turističkih potencijala; organizacija i provedba projekata iz područja turizma, održivog razvoja, ekologije i zdravog življenja; izrada i održavanje web stranice Udruženja; organizacija izložbi, raznih manifestacija i poslovnih skupova koji su u skladu sa ciljevima Udruženja; učešće u izradi naučnih studija, tehnoloških i tehničkih idejnih rješenja iz oblasti ekologije, poljoprivrede i popularizacija naučno-istraživačkog rada kod građana, a naročito omladine; unapređivanje života ljudi i kvaliteta životne sredine; zaštita ugroženih prirodnih vrijednosti; organizovanje i obavljanje edukacija, treninga, usavršavanja i obuke ciljanih grupa; podsticanje obrazovanja, razvoja kulture, tehničke kulture i kreativnog razvoja; afirmacija raznih oblika kulture, sporta i ekologije; razmjena iskustava sa naučnim, kulturnim i sportskim udruženjima, u BiH i inostranstvu, koji su po svojim ciljevima bliske ciljevima udruženja; organizovanje seminara, konferencija i rasprava, te direktno sudjelovanje u realizaciji

studija; provođenje projekata usmjerenih ka jačanju malog biznisa.

6. Osoba ovlaštena za zastupanje i predstavljanje Udruženja u pravnim prometu je:  
- Svetlana Bogdanović-Kuret, predsjednica Udruženja, Tuzla, ulica Rudarska broj 73.
7. U slučaju nastupanja promjena činjenica koje su upisane u Registar, Udruženje je dužno u skladu sa članom 43. stav 1. Zakona o udruženjima i fondacijama Bosne i Hercegovine podnijeti ovom Ministarstvu zahtjev za izmjenu i dopunu registracije u roku od 30 dana od dana izvršene promjene.
8. Ovo Rješenje objavljuje se u "Službenom glasniku BiH".

#### Obrazloženje

Udruženje za razvoj turizma u Bosni i Hercegovini "Turistički leptir", sa sjedištem u Tuzli, ulica Rudarska broj 73, je dana 09.03.2011. godine podnijelo zahtjev za upis u Registar udruženja kod Ministarstva pravde Bosne i Hercegovine.

Podnosilac zahtjeva je podneskom od 18.05.2011. godine izvršio izmjene i dopune zahtjeva, te priložio slijedeću dokumentaciju: Zapisnik sa Osnivačke skupštine Udruženja od 17.02.2011. godine; Odluku o osnivanju Udruženja za razvoj turizma u Bosni i Hercegovini "Turistički leptir", broj 1/2011 od 17.02.2011. godine, sa potpisima svih osnivača; dva primjerka Statuta Udruženja, broj 2/2011 od 17.02.2011. godine; Odluku o imenovanju predsjednika Udruženja, broj 3/2011 od 17.02.2011. godine; Odluku o imenovanju lica ovlaštenog za zastupanje i predstavljanje Udruženja u pravnom prometu, broj 4/2011 od 17.02.2011. godine, te ovjeren vlasoručni potpis imenovanog lica; Odluku o imenovanju predsjednika Skupštine Udruženja, broj 5/2011 od 17.02.2011. godine; otisak i opis znaka Udruženja i ovjerene fotokopije ličnih karata svih osnivača Udruženja.

Na osnovu činjenica utvrđenih u postupku, proizilazi da su ispunjeni uslovi predviđeni Zakonom o udruženjima i fondacijama Bosne i Hercegovine i Pravilnikom o načinu vođenja Registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija ("Službeni glasnik BiH", broj 44/10) za upis Udruženja za razvoj turizma u Bosni i Hercegovini "Turistički leptir", u Registar udruženja kod Ministarstva pravde BiH, pa je doneseno Rješenje kao u dispozitivu.

Na ovo Rješenje naplaćena je administrativna taksa u iznosu od 200,00 KM u skladu sa članom 33. stav (2) tačka a) navedenog Pravilnika.

#### Pouka o pravnom lijeku:

Protiv ovog Rješenja može se uložiti žalba Komisiji za žalbe u roku od 15 dana od dana prijema. Žalba se podnosi, u tri primjerka, putem ovog Ministarstva. Na žalbu se plaća administrativna taksa u iznosu od 10,00 KM, sukladno Tarifnom broju 2. Zakona o administrativnim taksama ("Službeni glasnik BiH", br. 16/02, 19/02, 43/04, 8/06, 76/06, 13/07 i 76/07).

Broj UP08-07-1-471/11  
06. juna 2011. godine  
Sarajevo

Ministar  
**Bariša Čolak**, s. r.  
(FU-165/11)

#### NATJEČAJI OGLASI KONKURSI

"ELEKTROPRENOS - ELEKTROPRIJENOS BiH" A.D.  
BANJA LUKA

Na osnovu Odluke Upravnog odbora broj UO - 4345/2012 od 13.07.2012. godine, "Elektroprenos - Elektroprijenos BiH" a.d. Banja Luka daje sljedeće

#### OBAVJEŠTENJE

##### O PONIŠTENJU JAVNOG KONKURSA/NATJEČAJA

Poništava se javni konkurs/natječaj za izbor i imenovanje članova Odbora za reviziju "Elektroprenos - Elektroprijenos BiH" a.d. Banja Luka, koji je objavljen u "Službenom glasniku BiH", broj 35/12 i dnevnim listovima Bosne i Hercegovine: "Glas Srpske" Banja Luka od 30.04.2012. godine, "Oslobođenje" Sarajevo od 30.04.2012. godine i "Dnevni list" Mostar od 30.04.2012. godine.

Na osnovu člana 61. stav 1. Statuta "Elektroprenos - Elektroprijenos BiH" a.d. Banja Luka, ("Službeni glasnik BiH", broj 86/05 i 103/06) i Odluke Upravnog odbora "Elektroprenos - Elektroprijenos BiH" a.d. Banja Luka broj UO-4346/2012 od 13.07.2012. godine, raspisuje se

#### JAVNI KONKURS/NATJEČAJ ZA IZBOR I IMENOVANJE ČLANOVA ODBORA ZA REVIZIJU - TRI ČLANA NA MANDATNI PERIOD OD TRI GODINE

Upravni odbor Kompanije bira i predlaže Skupštini akcionara Kompanije tri člana Odbora za reviziju.

Dužnosti i odgovornosti članova Odbora za reviziju su propisane Zakonima o javnim preduzećima (Zakon o javnim preduzećima ("Službeni glasnik Republike Srpske", broj 75/04) i ("Službene novine Federacije BiH", broj 8/05) kao i Statutom Kompanije usvojenim 01.12.2005. godine ("Službeni glasnik BiH", broj 86/05).

#### Opšti uslovi:

- a) da je državljanin Bosne i Hercegovine,
- b) da je stariji od 18 godina,
- c) da ima manje od 65 godina u trenutku imenovanja,
- d) da nije osuđivan za krivično djelo i privredni prestup nespojiv sa funkcijom osobe na višoj rukovodnoj poziciji u kompaniji, u periodu od posljednjih 5 (pet) godina od dana pravosnažnosti presude, isključujući vrijeme zatvorske kazne, te da se protiv njega ili nje ne vodi postupak,
- e) da nije otpušten iz državne službe u institucijama Bosne i Hercegovine, odnosno entiteta, kao rezultat disciplinske mjere u periodu tri godine prije dana objavljivanja ovog konkursa,
- f) da nije bio predmetom sudske odluke koja ga sprečava u preuzimanju finansijskih odgovornosti,
- g) da se na njega ili nju ne odnosi član IX. 1. Ustava Bosne i Hercegovine,

Utorak, 7. 8. 2012.

h) da on ili ona nije zaposlenik Kompanije ili član bilo kojeg organa Kompanije, isključujući Skupštinu akcionara.

**Posebni uslovi:**

- Univerzitetska diploma ekonomskog smjera,
- Minimum 5 godina radnog iskustva,
- Minimum 3 godine menadžerskog iskustva u bankarstvu, reviziji, konsaltingu, većim kompanijama ili javnim ustanovama, kao i odlično poznavanje procesa vršenja finansijskih i operativnih procjena, analiza, studija izvodljivosti, sistemskog vrednovanja i revizije,
- Dokazana sposobnost da aktivno zaštiti najbolje ekonomske interese akcionara,
- Poznavanje finansijskih izvještaja, kao i sposobnost njihove analize,
- Poznavanje opšteg pravnog okvira koji se odnosi na rukovođenje finansijama i kadrovima,
- Dobro poznavanje pravilnog korporativnog upravljanja.

**Slijedeće kvalifikacije kandidata smatraće se prednošću:**

- Sertifikat računovođe ili ovlaštenog revizora,
- Iskustvo i stručnost u područjima bliskim djelatnosti prenosa električne energije,
- Iskustvo u pripremanju ili kontroli implementacije budžeta, finansijskih i operativnih planova, kao i iskustvo u upravljanju projektima,
- Odlično razumijevanje šireg međunarodnog finansijskog, organizacionog, regulatornog i operativnog okruženja djelatnosti prenosa električne energije,
- Poznavanje informacionih tehnologija.

U skladu sa članom 61.3 Statuta Kompanije, dužnosti Odbora za reviziju su da:

- imenuje direktora Odjeljenja za internu reviziju na osnovu javnog konkursa i transparentnog procesa izbora kandidata,
- razmatra godišnju analizu rizika i plan revizije koji će akcenat staviti na najrizičnija područja poslovanja u cilju što efikasnije upotrebe resursa interne revizije (raspoloživog budžeta, ljudi i vremena), te osigura da uočene slabosti budu bez odlaganja i na odgovarajući način otklonjene,
- konsultuje se u vezi sa navedenom analizom rizika i planom revizije sa generalnim revizorom finansijskog poslovanja institucija BiH ("Službeni glasnik BiH", broj 17/99),
- osigura da Odjeljenje za internu reviziju u Kompaniji izvrši svoj posao u skladu sa usvojenim godišnjim planom interne revizije,
- osigurava implementaciju preporuka Odjeljenja za internu reviziju Kompanije kroz redovno izvještavanje Upravnog odbora o nalazima i preporukama interne revizije,
- konsultuje se sa generalnim revizorom finansijskog poslovanja institucija BiH u pogledu nezavisne provjere obezbjeđenja kvaliteta rada Odjeljenja za internu reviziju od strane kvalifikovanog, nezavisnog kontrolora ili tima za provjeru izvan Kompanije svake dvije do tri godine,
- osigura da Odjeljenje za internu reviziju Kompanije obavlja svoje dužnosti u skladu sa Međunarodnim standardima

profesionalne prakse interne revizije ili prilagođenim domaćim standardima kada budu doneseni.

Odbor redovno podnosi izvještaje direktno Skupštini akcionara Kompanije.

Uz prijavu na Konkurs kandidati su dužni dostaviti detaljnu biografiju (minimalno jedna, a maksimalno tri stranice) i dokaze o ispunjavanju opštih i posebnih uslova:

- uvjerenje o državljanstvu, (ne starije od šest mjeseci),
- izvod iz matične knjige rođenih,
- uvjerenje da se protiv njega ne vodi krivični postupak (ne starije od tri mjeseca),
- ovjerena izjava da nije osuđivan za krivično djelo i privredni prestup nespojiv s funkcijom lica na višoj rukovodnoj poziciji u Kompaniji, u periodu od posljednjih 5 (pet) godina od dana pravosnažnosti presude, isključujući vrijeme zatvorske kazne,
- ovjerena izjava da nije otpušten iz državne službe u institucijama Bosne i Hercegovine, odnosno entiteta, kao rezultat disciplinske mjere u periodu tri godine prije dana objavljivanja ovog konkursa,
- ovjerena izjava da nije bio predmetom sudske odluke koja ga sprečava u preuzimanju finansijskih odgovornosti,
- ovjerena izjava da se na njega ili nju ne odnosi član IX. 1. Ustava Bosne i Hercegovine,
- ovjerena izjava da on ili ona nije zaposlenik Kompanije ili član bilo kojeg organa Kompanije, isključujući Skupštinu akcionara,
- diplomu ili ovjerenu fotokopiju diplome,
- uvjerenje o radnom iskustvu u trajanju od najmanje 5 godina,
- uvjerenje o menadžerskom iskustvu u bankarstvu, reviziji, konsaltingu, većim kompanijama ili javnim ustanovama u trajanju od najmanje 3 godine,
- ovjerena izjava o odličnom poznavanju procesa vršenja finansijskih i operativnih procjena, analiza, studija izvodljivosti, sistemskog vrednovanja i revizije,
- ovjerena izjava o dokazanoj sposobnosti da aktivno zaštiti najbolje ekonomske interese akcionara,
- ovjerena izjava o poznavanju finansijskih izvještaja, kao i sposobnosti njihove analize,
- ovjerena izjava o poznavanju opšteg pravnog okvira koji se odnosi na rukovođenje finansijama i kadrovima,
- ovjerena izjava o dobrom poznavanju pravilnog korporativnog upravljanja.

**SVI DOKUMENTI KOJI SLUŽE KAO DOKAZ O ISPUNJAVANJU USLOVA, DOSTAVLJAJU SE U ORIGINALU ILI KAO OVJERENA KOPIJA.**

Sa svim kandidatima koji ispunjavaju uslove Konkursa, obaviće se razgovor, o čijem vremenu i mjestu održavanja će biti blagovremeno obaviješteni.

Javni konkurs će se objaviti u "Službenom glasniku BiH", te u dnevnim listovima "Glas Srpske" Banja Luka, "Oslobođenje" Sarajevo i "Dnevni list" Mostar.

Rok za dostavljanje prijave je 15 dana od dana objavljivanja u "Službenom glasniku BiH".

Nepotpune, neblagovremene i neuredne prijave neće se uzeti u razmatranje.

